

Ancient  
Chinese Surgery  
Old Style

in 6 volumes

Vol. 1

For  
Edca. Thom






McGill




Osler  
Library  
Montreal












豐大書軒錄

收錄圖

外錄長傳四點四味  
長傳錄始合錄錄

前南斯思堂錄







豐大平中林條

收林圖

新收林四野  
長林綠嶺合藥錄云

南真思堂藏



咸豐六年仲秋新鐫

華亭高梅溪輯

# 外科圖說

外科秘訣合藥新法  
後刻外科四種須知

浦南慎思堂藏板



自序

余嘗讀醫書之經者七十四卷也  
難也仲景之玉函金匱也中已  
也中藏也岐黃問答也經書五  
古諸才亦才一貫內外乎  
乃于此者必的於彼彼中彼者



咸豐六年仲秋新鐫

華亭高梅溪輯

外科圖說

外科秘訣合藥新法

後刻外科四種須知

浦南慎思堂藏板



# 自序

余嘗讀醫書之經者七曰內也  
難也仲景之玉函金匱也甲乙  
也中藏也岐黃問答之脈也上  
古諸考本乎一貫而外其分蓋  
明于此者必明於彼善乎彼者



必善乎斯也又乃如脈學有辨  
湯液骨度經脈經筋心經以及  
奇經八脈等並不分某為某科  
自宋代以後醫者漸繁而於內  
外及各科名式但外科惟用膏  
丹敷貼之法刀鍼之異耳余於



孔隆甲辰秋由杭至川道光丙  
戌冬回玉鄉至四十餘年歷游  
六七省尋訪明師搜求古訓集  
成十餘種精粹其外科一日至  
減一日花蜜名圖說一卷摘其  
要言與竇氏原稿合而為



一能敢希圖行世博取微名原  
不亟使徒輩易於記誦至於瘡  
瘍之藥益難于得藥一方不但  
得方難且脩合更難余覓五六  
方惟大降藥方羈留於抗肆六  
七年大費重資適值奇緣而得



馬謖云千金易得一秘難求信  
不誣矣反述其原委弁於卷首  
時

道光甲午秋  
華亭高文晉序於  
春暉子堂





五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

一

二

三



外科圖說目錄

卷一

論醫

瘡名賦

刀剪形圖

治瘍提綱

竇氏論

炙瘡法

圍藥貼紙

開刀法

消毒潰堅湯

參芪內托散

參芪歸朮膏

內疎黃連湯

內托復煎散

內疎黃連湯

流氣飲

干金托裏散

護心散

清心內固金粉散

忍冬酒

蠟礬丸

神功活命湯

發背初方

又方

發背不起方

神效托裏散

化堅湯

猪蹄湯

透膿散

牛膠飲

竹葉黃芪湯

麥冬散

歸芪湯



犀角散

桑枝散

五味子湯

蜜花散

梔子湯

加味四七湯

柿蒂湯

健脾散

加味四君子

加味治中湯

三和湯

大麥冬湯

芪六一湯

六神散

托裏溫中湯

清涼飲子

癰疔<sub>發渴惡心</sub>方

替針<sub>透膿</sub>散

復元通氣散

酒製大黃散

消毒散

丁附五香湯

托裏溫經湯

內托營衛湯

安神散

柞木湯

青金膏

乳撥散

久梅毒方

十全大補湯

金匱散

又方

瘰癧<sub>痰核</sub>圍藥

紫芷散

消腫散

奪命散

刻效散

拔疔圍藥

刮毒丹

千金烏龍膏



止疼散

隔皮取膿

龍收毒法

海浮散

去惡肉方

烏追膿散

追毒錠子

真君妙貼散

驪龍散

一艾二黃散

發背圍藥

平肌追膿散

洪寶丹

痘毒四箍散

痘毒摻藥

痘毒圍藥

生肌紅玉散

金絲萬應膏

粗料油煎

煉松香法

製黃丹法

長紫金膏

干鎚膏

咬頭膏

長肉膏

太乙膏

麒麟竭膏

卷二

大降丹

八卦降式

小降式

昇藥式

三仙丹

煎參薑飲

全生煎

活絡開凝湯



黃芪鷄首煎

返本湯

保元湯

補益湯

峻補煎

培中湯

奇功飲

附理中

六君子湯

育珠退熱湯

聖愈湯

歸脾湯

養營湯

補中益氣湯

七味白朮散

疎肝散毒湯

十全大補湯

生脈散

五柴胡飲

七福飲

貞元飲

開結散

壽脾煎

逍遙飲

三陰煎

養心湯

異功散

建中湯

都氣丸

一飲煎

加減

大營煎

左歸

丸飲

右歸

丸飲

金匱腎氣丸

葦莖湯

牡丹皮湯

參團飲子

猪腎薺芩飲

通邪煎

開閉泄毒湯



掃廣飲

凝膚湯

甘露飲子

利膈湯

六和湯

防風通聖散

大防風湯

復元活血湯

發鬢毒

方二

鬢疽

方二

疔腮毒

方二

耳風毒

方二

耳脹痛

耳

門癰根癰

發耳

頂疽毒

方二

風毒頸癰

風毒疽

頂門癰

眉風毒

發眉瘡

上下眼丹

發頤毒

穿腮

即骨槽風

頸癰

面風毒

發

鬚

毒

鬚發毒

石疽

頰疽

漏睛瘡

鴉哨瘡

蘭唇

烙鍊法除根藥

發腦

頭後蜂窠

枕疽

腦疽

對口瘡

兩邊髮際發

面發毒



寒瘡

癰瘡 痰核

神效灸癰

廉瘡

委中毒

臀疽

腿遊風

陰囊毒

腎癰

陰蝕瘡

下疳諸法

陰戶瘡

陰腫陰茄

左右便毒

小腸流注

穿襠發

即橫痃

卷三

刀針線灸烙論

上肩 鼠疽

三串毒

腎俞發 脾癰

左 搭肩發

右 左右串

兩肩 癰疽發

血潰流注疽

癰發

冷漏濕毒流注

紫疥瘡

坐馬癰

附骨疽癰論

貼骨疽

附骨癰

臟毒

肺疽

肺癰

井疽發

穿心冷癰

胃癰



心肝癰

血疳瘡

蜂窠發胸

九發

臍癰

小腸癰

盤腸癰

發肚毒

臍癰

肋肚毒

氣毒流注

臍癰毒

乳癰

乳發

妳癰

妳癰

乳巖

風毒遍身串

火腰帶毒

內丹

肩疽

了疽

上肋癰

訓疽

即爛疽  
甲疽嵌甲

肘后癰

即臂毒

左腋疽

筋疽

中發毒

天蛇

手腕毒

肩疽

背面毒

卷四

痔漏總論

痔圖

枯藥  
生肌

護肉藥  
諸方法

秘方  
煎方

長肉  
薰方

點痔  
洗方

痔漏藥  
脫肛



鼻痔

鶴膝風

膝眼毒

人面瘡

臃疽 骨槽疽

腳手發背

骨癭疽

手心毒

手腕毒

腕疽

螻蛄三串

發膊

遊丹

火赤瘡

發背

魚脊瘡

散走流注發

背發兩頭

腎俞發

對心發

連珠發

蜂窠發

經體發

連子發背

上中 三搭手

上中 三發背

對臍毒

腰疽

痰注

暑疔 拔疔要法  
諸疔

青疔

黃疔

赤疔

白疔

黑疔

芝蔴疔

氣疔

火疔

冷疔

魚臍疔



卷五

楊梅毒

癰瘡

雀子斑

諸瘤

腳拐毒

骨疽瘡

跟疽

鞋帶瘡 腳心毒

血風瘡

風疳瘡

腎氣遊風

裏外廉瘡

飛遊毒

紅絲瘡

癰瘡論

癰瘡或問

癰瘡治驗

癰瘡方法

製砒法

結毒方法

卷六

死證膏藥方

癰瘡宜忌

醫家切戒

七診元門脈訣

左手圖

脈息節要

七表八裏

四時平脈藏病

肝腎起

五類

五臟相入

腑臟

正背面

肺以下

左右側說



藏系心連 氣海隔膜 脾胃胞系 闌門水穀

右腎命門 經旨問答 針灸日忌 五行生剋

五善七惡 相訣生死 寒熱內外 怪脈 五臟死

五體敗 五體死 五體死 五傷死 不稱脈

五視死 色聲心序 急治餘證 坐臥宴息法

安慰方後法 煎藥法 服藥治法 藏指膿水紙法

自保護法 用藥加減 割腐肉 蜜導 膽導

禁忌食物 炮製法 附子不可輕用 總論病家大畧



外科圖說卷一

華亭 高文晉梅溪氏輯

葉榭 金鼎言雲洲

全校

奉賢 張炳銓西亭

上海 王文源紫陵

參閱

奉賢 王繩石祖樵

論醫

癰疽之候。雖發於外而病根實在於裏。能別陰陽虛實。經絡營衛死證。可活大證。化小者。此爲上工。其次預明五善七惡。循理用藥。敷貼灸開。咸遵方法。見明



則喜見善則效此爲中工若畧讀幾卷執拗自是耳  
食閑話滔滔不竭一味卑躬屈奉使旁人叫好華衣  
轎馬向昧者稱能類聚消食發散雜湊成方不辨陰  
陽虛實咸稱易治希圖取利於目前焉知命絕於日  
後及問脈理病因證之順逆槩屬茫然此等雖名下  
工其實非鑿也然而天下之大草野之間豈無遺賢  
逸士若能細求經理探討良言海上實有仙方家傳  
豈無神秘卽上工遇之亦當爲之遜一籌矣

### 瘡名賦

上古治法原不重乎瘡形。但決證之生死近世好奇。不得不



立諸名號近時看證先生鳳眉近於印堂之在兩眉之間

內魚腮毒患在夾車之間足脛後名稱魚肚前曰

裙賺瘡此名婦人所稱中指間號曰天蛇頭旁云蛙節疥黑

疥緣藏耳竅華陀有五標疽因發眼梢詳外科心癰

井疽咸發心前井疽一名甘疔色青見偏有胸疽之

號又名神舍疽乳癰奶癖詳醫宗金鑑久有乳巖之

名怨女寡婦所生肝鬱候骨槽風聚牙牀人面瘡生

膝蓋陰虧火旺外科金針二蚌殼夾珠藏於臍下婦人陰處

患楊梅毒瘡外科花蜜老鼠偷糞患在肛門最易成漏承漿穴名

則曰虎鬚毒尻骨即尾巴乃云鸛口血水者難治



詳外科 花蜜 舌吐蓮花 皆緣心熱詳外科大成 毒流玉枕盡屬

陰虧此證全憑內科書施治 馬刀馬刀夾纓 生於耳後牛皮癬

患在項間別處亦有 石榴疽生曲池穴之內 楊梅

毒匿陰挺即勢也 之間後有論再考 上馬癰下馬癰

乃左右之分別詳外科秘錄 侵髻疽透腦疽緣部位之參

差詳大 扁擔毒挑 於肩上箭袋瘡掛 於臍邊同虎口

毒乃屬外邪所致 鵝掌風 或緣結毒而然方法見外科全生集

頸疽有落頭之號全仗內托亦可 腸癰有縮腳之名

與內科 牙漏水虧或兼胃火此證內科兼治 眼菌出血半屬

肝虛內外科合法治 流注脈遲可救兼證極多 翻花瘡出



血難療。若醫鼻痔。全憑外法。治法詳後。倘遇痘瘡。須顧元。

虧。詳外科四種須知。下疳。濕熱淫邪。血箭。陰虛。心火發背。雖

分九處。九處者玉枕對口。崇骨。玉藏。肺俞。肝脾。俞。腎。俞。鳩尾。尻骨也。細詳在後。宜參瘍醫大全。

又有上中下三部之名。手搭高低二樣。須審陰陽各別。

臟毒。腸風。察糞前。病在腸。糞後。病在臟。酒鼓。肺火。辯鼻外

鼻中。乳娥。有雙單之號。詳外科四種須知。咽喉。有虛實之分

另有論。疔有十種。詳中經。瘤分五經。詳後。痔有九樣。詳後

與同外科花。癰有六名。後有論。繡毬。風子。癰囊。癰俱生

囊上。胞皮脫落。懸癰。海底。漏。擋疽。總患。肛前。龍泉。疔

發人中。穴。熱邪。內鬱。鶴膝。風流。足骹。寒濕。下凝。宜服藥忌



針狗汚髻鬣。是胎元遺毒。詳外科四種須知梅花頑癬乃濕

犯清陽。火丹與熱毒同方。黃水瘡。與肥瘡一類亦治法

腳根生瘍。古有漏蹄之號。頸旁患毒。俗呼肩掛。疽之

名欲解狐臭。即猪狗臭清肺平肝最要。若治汗斑驅風理

濕卻宜。青蛇毒黃蟮疔。出於醫宗金鑑外科。螞蟻毒虻

蛄瘡。號出瘍科。選粹以上幾種俱佛頂。因生百

會。穴在頭頂中猛疽緣患隘中。喉內陰疽發於腿間。患在內

久云咬骨。疽痰毒生於耳際。潰號失營。挾鴨蛋生於

季腋之下。臭田螺患在大指之間。赫癰幽癰在臍之

直上。魚口。在便毒在右又分腿之兩邊挾棍瘡生腳



骨潰有驢眼之稱地閣疳發鬚中爛有羊鬚之號

玉百脚肉刺毛出於江湖之口紫粉瘻豆渣瘤條分

癰科選粹之書肺癰肚癰腸癰照經文金匱而施治貼骨

癰附骨疽鑽骨疽按脈理以推詳方宜溫補頭曰蟾拱脛

曰四淫耳內流膿者號曰停耳目曰眼搭足曰脫疽

見內唇口堅硬者號曰繭唇以上幾條俱詳外科四種須知若夫棉

花瘡雀口毒透頂穿鼻蛀管在陽物合盤楊梅在肛門蠟燭

笑潰陽物鐵樹開花龜頭腐裂俱均是楊梅瘡雅號

石發炯發燦發巖發蓮子發蜂窠發百鳥朝凰皆稱

發背凶名詳後宜與花蜜同參冬瓜癰黃瓜癰分腿癰之大小



委中毒膝眼毒言陰毒之難醫。詳外科秘錄破傷風湯火

瘡不與瘍科共例。詳外科四種須知手發背足發背卻與外

證同條小腸癰肚臍先凸走馬疳。小兒最多牙齒必搖至

於赤遊。風白遊風螳螂子乃小兒常患。詳同上陰挺陰

菌鈕扣風是婦人所生。詳在後治法在分虛實按脈細

察偽真或補或攻須投的當用奇用偶務有君臣幸

勿心粗膽大自然漸漸精明。



外科

刀 剪 鉗

各式物件圖

尖頭剪  
用雙錄鋼打



小 七



中 七



大 七







大鉗  
以白銅打為佳



治管銀針




方頭剪



此剪入瘡口內剪腐不刺痛


此剪杭州大井巷  
張小泉打最妙








象牙藥超



藥竿




灣刀

口在內




柳葉刀

口在此





直鉗



過肛針



劍針



昇藥筒



探肛筒






剪夾



長針



爪剪



拖刀

口



三稜針




筆刀



銀絲



勾刀




刀口

尖頭七



穿肛針套







尖頭剪 口在外 純鋼打



烙鐵



小烙鐵



雙勾



治瘍提綱

治癰疽之法。必須先觀形象。細察病情。營血不傷。根  
腳必然收束。衛氣若旺。瘡頭最易發高。作渴昏迷。瘡  
家所忌。痰喘音啞。醫者宜防。膿血膠粘者。腐肉定於  
易去。青膿臭穢者。元虧毒甚難療。瘡肉有衣。斷非善  
候。癰形板片。不食莫勞。凡白硬根堅脈陰者。如沉牆  
弱弦微  
虛證也。用景岳參薑飲。加黃耆肉桂。紅腫高軟脈陽  
者。如大浮  
數動滑陽證也。用全生方加白芍穀芽。若漫腫無  
頭。元氣虛而不能化毒者。活絡開凝。在所必用。日久  
不潰。陽氣衰而不能速腐者。黃耆鷄首。煎切勿遲投。



惡寒返本

湯

保元

湯

發熱培陰補益

湯

膿出反痛是

氣血並虛峻補

煎

真元

飲

瘡肉不長乃脾氣衰頹培

中

湯

益本

欲嘔作嘔

胃家中

氣虛寒

奇功

飲

內托便

滑腹痛脾胃陰邪交扭

附子理中

湯

飲食不甘乃土

氣式微之故

生

薑麥

冬

六君

子

精神疲倦

屬中宮脾

胃弱衰返本

回陽湯

新方

陰虧宜用育珠

退熱湯

盜汗還

求聖愈

湯

不寐內煩

歸脾

湯

養營

湯

均可選用

渴家

淋閉

補中

益氣湯

七味

湯

遲服堪憂

疎肝

散毒湯

麥味治

潰瘍寒熱往來

全

十大補保元

湯

療癰疽變患不測生

脈散

乃投脈細

歸脾

湯

能止血流

麥

冬

五味口乾是



要藥

自米乾

薑寒泄卻靈方。若夫七情成毒不出乎

鬱怒憂思。激傷肝臟。勞形苦志。漸損心脾。及御女以

傷腎臟之真陰真陽。總以足三陰爲要領。再審其元

氣虧乏之何如。如嗔怒不已。動及肝陽。以致氣隨血

泣。而患癭痛馬刀瘻者。宜宗五柴

胡

七福

飲

真元

飲

開結

散

等方。或倍中州氣血爲主。若桃天賦晚血滯

三陰。及鴈泣離羣。悲傷八脈。以致厥陰用事。營衛失

行。而患乳巖翻花者。則用甘溫育陰之劑。如壽脾

煎

逍遙

飲

景岳三陰

煎

外。加芮棗阿膠。若握算運籌。煩

勞太過。偏損心脾。而患乳疽海底管漏者。則用甘溫



培中之品如保元

湯歸脾

湯之類。若金谷荒蕪。志圖

恢復。及心存君國。綏解無聊。雖有失營失精之分。總

不外乎心脾二損。營衛乖離之故。須議養心

湯

異功

散

建中

湯

都氣

丸

之類。若先天賦弱。精海不充。血涸

於氣。而成骨疽。骭漏者。法宜氣血雙培。兼乎益腎。若

萌芽太早。勤種藍田。虛火常炎。熾成痔瘍。肛漏者。切

勿瘡藥兩岐。須崇顧本。治法陽亢陰騰。壯水為主。如

加減一陰

煎

大營

煎

左歸

飲

之類。陰虛陽越。導火宜

先。如右歸腎氣等丸

加黃耆  
甘草節

至於變遷延染之毒。如

傷寒遺熱。肺液大傷。三消變疴。真陰已涸。而發肺胃



腸癰者有攻瀉補元之法如葦莖肺牡丹皮湯參團

飲子猪腎飲薺芩之類若下元虛損三氣襲陰足骨漸

粗俗呼鶴膝風者壯年用羌獨苓烏栢陳桑已髻齡

及髦鬢之年咸施鹿角六味丸等法若情戀燕支毒

潛陰莖及共衣同榻乃發疥瘡治分在內在外觸毒

感毒之因用通邪煎開閉湯飲掃廣凝膚湯之類其

餘四時春夏瘡癰用銀花土貝連翹瓜葵橘皮甘草

杏仁赤芍如遇風淫化熱加以甘寒用土貝赤茯苓

公英之品溫淫火旺參入純苦同毛慈菇橘葉苦丁

茶暑逼氣分佐藿香菊花鮮荷葉以開解熱潛營間



投西翠衣佩蘭菱薤之芬芳。秋來施辛涼以化毒。冬

間投溫散以催消。若夫疔毒爲殃。加入地丁草金線

重樓濕邪變癰。乃投羌獨烏前口齒腐爛者。甘露飲最

宜。時毒便溏者。六和湯極妙。痧後有痲。須邀防風通

聖散咽喉腫痛。乃投利膈湯靈方逍遙散治婦人百

病。保元湯醫痘後諸瘍。若跌撲瘀凝。氣留作痛。欲成

瘡者。又當用流動之品。如桃仁湯復元活血湯。取其

循經通絡而不滯也。如元氣怯弱者。仍培氣血爲主

不可擬定一法。總之瘡瘍凝泣。關於心營。毒化在於

肺衛。收功全仗乎中州。妙處不多。千金一訣。故施治



雖有溫涼補托之不同。而變化手法。始終實有一定也。諸方見卷二。

竇漢卿論

人以五臟六腑爲根本。五臟不和則九竅不通。六腑不和則留結爲癰。故癰者六腑不和之所生。疽者五臟不和之所致。六腑主表其氣淺故癰皮薄而腫高。五臟主裏其氣深故疽皮厚而腫堅。皆由六氣七情而成也。然瘡瘍皆火之屬。須分內外而治。其本經曰膏粱之變足生大疔。其源在裏發於裏。



也受持諸虛言內結而發諸處未到從何道出皆  
自從虛而出也如太陽經虛從背出少陽經虛從  
髻出陽明經虛從髀出督脉經虛從腦出經曰地  
之濕氣感則害人皮膚筋脉其源在表盛則內行  
若脉沉實當先疎內預經其源脉浮大者當先托  
其裏恐邪氣傷內又有內外之中邪氣至盛遏入  
經絡乃生癰腫經曰榮氣不從逆於肉理乃生癰  
腫治法大要托裏疎通榮衛三法托裏治其外之  
用疎通治其內之行榮衛治其中內之外者脉沉  
實發熱煩躁外無𦵿赤痛深在內邪氣沉裏故先



疎通臟腑故先托裏防其內然內外之中者外無  
譽惡之氣內亦臟腑宜通知其在經當知榮衛周  
體有腫瘍潰瘍今之癰疽是也內外俱虛宜大補  
氣血爲主後行五香散者當防虛實之失其瘡之  
發先發紅腫爲氣血鬱積蒸肉化爲膿其痛多在  
始作之時膿潰之後腫退肌寬痛硬漸減若發痛  
者虛也宜補之有穢氣觸者宜和解之風寒逼者  
宜溫散之以手掩腫上熱則有膿不熱則無膿况  
癰疽有表裏虛實用藥有補瀉溫涼稟受之厚薄  
形志之苦樂隨年歲時令而加減則病易療若內



悞用寒涼之藥而外敷貼冷藥然欲望其消散是  
借寇兵也其害不淺大凡陽滯於陰脉浮洪弦數  
陰滯於陽脉沉細弱澁陽滯以寒治之陰滯以熱  
治之細詳其意陽滯陰滯作熱治寒治求之寒熱  
固可作陰陽論於陰於陽分明是氣是血也氣爲  
陽行脉外血爲陰行脉內相並分派週流循環一  
身無停止謂之一呼脉行三寸一吸脉行三寸呼  
吸定息共得六寸一身通行八十一丈得熱則行  
速而太過得寒則行遲而不及五味之厚七情之  
偏過氣爲滯津液稠厚積而久也爲飲爲癰滲入



脉內血爲所亂因而凝濁運行沍澁或爲沸騰此  
陰滯於陽也正血滯於氣也凡血病今人或藥以  
助邪病上生病血之病日增溢出脉外隧道溢塞  
升降有妨運化失令此陽滯於陰也正氣滯於血  
也病有寒熱則稟受之素偏虛邪之離合豈可以  
陽爲熱陰爲寒也浮洪弦數氣病之脉也烏可遽  
作熱論沉細弱澁血病之脉也焉可遽作寒論此  
萬病之根本豈止癰疽而已大凡腫瘍時作毒氣  
上攻治之潰陽後當作陰虛補之若老年潰後發  
嘔不食者多人參黃芪白朮膏大補取效佐藥



隨時症加減劉守真謂諸症瘡瘍而嘔者此濕氣  
侵於胃也藥中宜倍白朮王海藏謂吐者有物無  
聲乃血病也有食入則吐有食已則吐嘔者有物  
有聲氣血俱病也張仲景云嘔多雖有陽明証勿  
下之噦者無物有聲乃氣病也謂之逆者吃逆也  
火自下而上衝胃口作聲者病後胃虛所致陰火  
虛也病至此當作危矣但理無定在病有萬變爲  
醫須隨時取中見可而進經曰知其要者一言而  
終不知其要流散無窮何謂情因是也何謂要治  
法是也治法惟東垣丹溪能轉其要悉詳載於外



科新錄五善七惡具焉蓋煩燥時嗽腹痛渴甚或泄痢無度或小便淋漓一惡也膿血大洩腫焮尤甚膿色敗臭痛不可近二惡也喘粗氣短恍惚嗜睡三惡也不能下食服藥而嘔食不知味四惡也目視不正黑睛緊小白睛青赤瞳神上視五惡也肩項不便四肢沉重六惡也聲嘶色脫唇鼻赤青頭目四肢浮腫七惡也動息自寧飲食知味一善也便利調勻二善也膿潰腫消色鮮不臭三善也神彩精明語聲清朗四善也體氣和平五善也然有症合七惡而皮緊急如善者有症合五善而皮



后虛如惡者此不可不察又曰飲食如常實熱而大小便秘內外看相應肌肉好惡分明善也發渴而喘睛明睛角面鼻大小便滑目中不了肉黑而陷面青唇黯已潰肉青痰吐嘔逆惡也凡同志之士乞再推明改削毋隱毋畧

灸瘡瘍法

凡人患瘡瘍之症不拘何處其色鮮紅者爲陽淡紅者爲陰自有寒熱之分用手按患處熱如火烘者是頭聚或用濕綿紙貼患上先乾者爲頭聚卽用筆點記切蒜片如錢厚放患處置艾壯於上以火



燃之若蒜片枯焦再易之待將畢三五壯着貼肉  
上灸爲佳至少者以二十一壯爲期頭頂上五壯  
七壯爲期艾炷止可如豆大但面心爲陽中之陽  
禁灸其陽症不可灸者何恐火氣內侵勢益昌大  
以火濟火故戒之惟陰症可灸鬱氣濕熱積毒借  
火以拔之然以火濟水自有相生之妙臨灸畢用  
口吹火至滅其火功借氣得以入內其症易散設  
或灸不能卽散者灸遲故也雖不能全散大能解  
毒易潰膿易斂瘡口功難盡述惟臟毒坐馬瘡以  
蚯蚓泥作餅代蒜片艾灸之以熱爲度易之如前



共十四壯爲期若附骨疽癰毒入骨髓擇天氣晴  
明和煖尻神不犯吉日午時灸至申時止徐問病  
者骨中熱否若果骨中熱方効若灸不拘壯數忽  
然爆起者是病根脫矣卽止之凡灸須飲食半飽  
并飲好酒以通經絡以和氣血再令善笑談者以  
亂其痛亦妙方也體虛者禁灸

大抵病有淺深効有遲速亦有陰虛陽實呼吸轉  
移醫者須要膽大心小膽欲大者有決斷之才識  
見之明當刺則刺當攻則攻不宜攻刺者止之則  
能知標本心欲小者有救急之義無苟取之心富



者辭之傷廉貧者取之傷惠須見利思義斯稱醫  
職近有利已害人之徒如賢嫉能驚嚇病家深圖  
厚賂初無定論巧言矜能謗毀前醫毫無識症立  
方之見起死回生之功徒貪財排訕耳竟亦何益  
其心不仁莫甚于此亦有病家輒聽其言不分賢  
愚自取其禍與前醫何干實庸工之悞也戒之慎  
之亦有庸醫妄投藥劑輕用針刀火灸勢愈重殊  
廢將調反怨後醫之不能捷功噫病不可急治者  
而治之徒傷命耳廣於治病者豈能遂病家之心  
乎亦有富家不念貧醫恃豪傲慢前恭後踞良醫



斷不肯屈志自壞自耳又有輕命重財不顧珍寶  
之藥待全愈伸謝豈誠語哉又有愈後伸謝痛財  
以致醫者不能設本良可歎也須當各盡其道方  
無愧於心若遇極貧患病之人普施藥劑再助柴  
米救其一命則世業益隆子孫豈無賢能者興乎  
予因貧困不能普施極貧醫藥特書此

圍法貼紙妙訣

凡用圍藥多加工夫攪千餘下其藥自稠輕手圍  
之留孔必須如鴛子形狀須用薄紙貼之務要扯  
碎貼上免崩裂疼痛之苦待圍藥畧乾再用調藥



餘汁潤之以助藥力况藥乾不能入肌肉借濕以通竅耳宜深詳之

開刀手法

千金不傳

凡瘡瘍之起疼痛固屬於心火久而陽氣升上蒸肉化爲膿若不三思原其膿之有無遽爾開刀則鮮血突出膿從何來致患者煎寒發熱日夜疼痛無法可止或患症富家多請醫者調治內相妬忌惟以開刀爲首功多獲厚謝全不顧患者噫若用此心以仁術爲盜徒矣子孫豈能世其業哉先將指頭按患上隨手而起四畔悉軟觀其頭聚擇尻



神不犯吉日將刀頭向上開之方不致傷新肉取出刀再撚綿紙條潤油度之使膿水齊會半口扯出則膿水易乾外貼呼膿膏四圍再用搜膿散敷之

以上二法誓不輕傳者予慕軒岐得天地之心而壽醫仲景得軒岐之心而廣法豈可擅利於一己而害衆生乎近見同道之友往往不善於圍藥惟賴利口聳人故意不待症熟輒肆開刀或同業妬忌以先開刀爲首功多致患者不起哀哉此業也能生人能殺人况醫司人命故君子不可不慎也



必須先去貪嗔之心次敦真實之念富不過求極  
貧不取稍有餘資再助以柴米之費免其日給之  
憂所謂作善降祥冥冥之中神明鑒察自己雖貧  
此心豁裕天道昭昭孝子順孫森出斯業永得相  
承不亦善乎司馬溫公曰積金與子孫子孫未必  
能守不若積陰德於冥冥之中爲長久計大哉斯  
言也巍巍莫及近觀貪利之徒驚嚇病家集利致  
富身沒之後天道禍淫所得隨所失子孫喪亡世  
業卽斬不亦報乎昔張彥明爲醫視人之疾舉切  
吾身推誠極救未嘗以財爲較一日城中火炎週



園殆盡煙焰中獨存其居以此見天道有陰扶顯  
助之靈又有陸汝脩醫病至夜深而回路遇鬼卒  
百人其中有長丈者一神黃袍披身汝脩見之五  
首投地汗如雨下驚懼不勝神曰毋恐吾乃瘟神  
也汝有恒心不以富貴貧賤二其念今加瘟氣滿  
人間用藥治之以參蘇飲爲要日後汝當壽顯歸  
家焚香告天曰貧富皆人用藥一心神今顯應民  
得全生三日之內滿城皆疫乃馬頭瘟也衆名醫  
不能治汝修日製藥餌及千服裹之先與貧者服  
之頓愈芳名遍傳求之如市家業富饒六子五壻



悉果貴顯學者能以張陸二公之心爲心何患道  
之不行子孫不顯者哉此麟日切於身心者也焉  
敢少忽遂并梓行

諸癰疽發背總方秘傳試驗

消毒潰堅湯

治八法癰腫癰瘰惡癰乳癰腦疽等症

羌活

黃連

酒炒

黃柏

酒炒  
各一錢

生地

酒洗

桔梗

五分

黃芪

二錢

人參

五分

甘草

五分

連翹

五分

防已

酒洗  
五分

陳皮

澤瀉

炒

山梔仁

姜汁  
拌炒

五味

碎

麥門冬

枳殼

炒



猪苓 各五分

參芪內托散

人參

黃芪 炒

當歸 酒洗

白朮 炒

橘紅

甘草

升麻

川芎

生地 酒洗

羌活

厚朴 姜汁拌炒

腫瘍加連翹羌活

潰瘍加芍藥甘草

酒毒加

酒炒連

氣加香附

痰加瓜蒌仁

發熱加小

柴胡酒炒黃芩

渴加天花粉

惡心加半夏生

薑

解毒加金銀花甘草節

在太陽上加羌活

陽明經上加鼠粘子白芷升麻

少陽經上加



柴胡

參芪歸朮膏

衰老氣虛宜服

人參

黃芪

白朮

土拌炒

當歸

各一兩如瀉去此一味

胃不和加陳皮二錢水四碗煮稠膏以牛膝二錢煎湯入竹瀝勻之加姜汁

內疎黃連湯

嘔哕心逆發熱而煩脉沉而實腫硬麻木而皮肉不變色根係深大病源在內臟腑秘結當急疏利

黃連

芍藥

當歸

山梔

檳榔

木香

薄荷

連翹



茯苓

黃芩

桔梗

甘草

各一錢

右除木香檳榔爲末外餘挫每一兩水煎八分入  
檳香二末和服之吃三服後加大黃一錢再加二  
錢以利爲度

內托復煎散

腫掀於外根盤不深形症在表其浮痛在皮肉邪  
氣盛而必侵於內須急服內托以救其裏也

黃芪

防風

地骨皮

芍藥

黃芩

酒炒

白朮

人參

茯苓

甘草

羌活

各等分



先用茅山蒼朮一觔剉片以水五升煎一升入前藥十二味再煎至三四鍾濾汁作四五服終日用之能除濕散鬱熱使胃氣和平若大便秘煩熱燥少服內疏黃連湯如微利煩熱已退却服復煎散半料使榮衛俱行邪氣不能內侵也

內疏黃連湯

瘰疽服

解毒補養氣血托裏排膿自無疼痛

黃芪

人參

白朮

當歸

川芎

芍藥

草節

黃連

連翹

白芷

羌活

陳皮



獨活

金銀花

防風 各等分

竹瀝

臨服加入

痰中有血加童便藕節汁

秘傳十六味流氣飲

未成速消已成速退疼痛漸減前十二味名托裏

內補散

人參

當歸

官桂 五分

川芎

防風

白芷

桔梗

黃芪

炙草

厚朴

木香

白芍藥

大腹皮

烏藥

枳殼

蘇葉 各一錢

不退熱加茯苓白朮地黃不進飲食加香附砂仁



疼痛加乳香沒藥 水不乾加知母貝母 瘡  
不穿加皂角刺 大便閉加大黃枳殼 咳嗽加  
陳皮枳殼半夏杏仁薑 小便閉加麥門冬車前  
子木通滑石燈草 癰癰加羌活夏枯草連翹青  
皮柴胡黃芩

右爲末每六錢酒調下不飲酒者木香湯代之米  
飲亦可詳其所用之藥皆發散風毒調理氣血排  
膿止痛長肉生肌等藥氣不和加氣藥爲主血不  
和加血藥爲主輕重量人氣稟用之服藥後飲酒  
以助藥力



千金托裏散

一切腫毒

人參

官桂

甘草

川芎

白芷

芍藥 各一錢

木香

沒藥 三分

乳香 二分

當歸 五分

連翹 一錢

防風

厚朴

各二錢

生薑 五片

臨服加酒一盃

護心散

又名乳粉托裏散

癰疽初發便服毒氣不攻惡心煩悶吃嘔喘嗽以至瀉泄急服之

真乾菜豆粉

二兩

乳香

五錢研

和勻甘草湯調下此藥不時呷之使藥味長流留



膈間則毒氣不能攻心

清心內固金粉散

辰砂

人參

各二錢

白茯苓

三錢

萊豆粉

四兩

雄黃

一分

甘草

二分

朴硝

五錢

白豆蔻

五錢

冰片

射香

各一分

皂角

一分

右各另研每二錢蜜調下

忍冬酒

凡初起時便當服此不問發於何處

忍冬藤

五兩

甘草

一兩

水五碗煎至一碗再加無灰酒煎服



蠟凡丸

一切症服此能衛護內膜驅解諸毒自然消解及惡毒瘡腫遍身等惡症

通明凡一兩為末

黃蠟七錢

貴人加木香  
富人加沉香

平人加紫蘇葉  
俱為末

溶蠟下蜜一匙少溫入凡衆手拌勻丸如桐子大每服五十九溫湯下日三服未破內消已破易合蠟性實大腸凡性解諸毒故用之也

神功活命湯

一切惡瘡癰疽發背便毒等症



皂角刺

二錢酒炒

甘草節

六錢

穿山甲

六錢蛤粉炒

金銀花

三錢

貝母

七分

防風

六分

赤芍藥

二分

歸尾

一錢

沒藥

六分

白芷

五分

乳香

一錢

陳皮

二分

天花粉

一錢

老酒煎如欲瀉加大黃

熱加黃芩山梔

在背

俞皂角刺為君

在腹募白芷為君

在胃次加

瓜蒌仁

在四肢金銀花為君

煎時須用大瓦罐以紙密封瓶口勿令泄氣服時

須隨瘡上下以分飢飽能飲酒者服藥後飲酒幾

盃此藥並無酒氣不傷臟腑氣血忌酸薄酒并鐵



器服藥後身宜側睡自有回生之妙如毒潰不宜服也

發背初起

穿山甲

四片

牛皮膠

四兩  
新瓦上燒灰

右二味爲末用酒二碗調和從容服盡永無大患不能飲酒者酒九清飲湯下

又方

凡人中熱毒眼花頭暈口乾舌苦心驚背熱四肢麻木覺有紅暈在背後卽取槐子一大把揀淨鐵鍋內炒褐色好大酒一碗煎滾去槐子熱服待汗



出卽愈未退再服

發背發不起

川山甲

蛤粉拌  
勻炒

碾末五錢酒下

神効托裏散

癰疽發背腰乳腸癰腫毒脊痛增寒壯熱狀若傷

風

黃芪

鹽水炙

金銀花

當歸

粉草

炙

酒煎服

木香散

又名化堅湯

瘡難消又不能作膿痛不止及小兒痘後生癰米



好酒一碗入膠內重湯溶透攪勻加酒隨意飲盡  
以醉爲度不能飲酒者酒煎沸湯下蓋牛膠補肺  
氣實大腸壯胃止瀉

竹葉黃芪湯

諸症大渴

淡竹葉

二兩

生地

八兩

黃芪

當歸

川芎

人參

甘草

黃芩

麥門冬

芍藥

石膏

各三兩

右件十服水煎

麥冬散

體熱煩渴不止

黃芪

黃芩

麥冬

各一兩  
五錢

升麻



赤茯

赤芍藥

玄參

當歸

甘草

知母

天花粉

各一兩

生地

三兩

右剉每約八九錢水煎熱甚加淡竹葉燈心

另方去玄參當歸加人參棗肉

當歸黃芪湯

症已行臟腑而痛不可忍

當歸

川芎

生地

芍藥

黃芪

地骨皮

水煎發熱加黃芩

煩燥不能臥加山梔 嘔逆

乃濕氣侵胃倍加白朮



犀角散

發背不曾服粉乳托裏散以致熱毒衝於心經故  
咽喉口舌生瘡甚至黑燥先服犀角散以解其毒  
免有此症

犀角

玄參

黃芪

升麻

木通

麥門冬

赤芍藥

生甘草

當歸

大黃

酒煨

每五錢水煎服

桑枝散

舌上焦硬甚堅大燥厚如雞內金狀非渴症乃腎



水枯竭心火炎上平常人見之不宜有此必危難療

花桑枝

嫩者一升

切碎炒香水三升煎二升一日服盡

爲妙若桑枝瀝治渴尤妙

五味子湯

治前症

五味子

黃芪

人參

麥門冬

各一兩五錢

粉草

一兩

水煎日夜不時服之

蜜花散

治渴

金銀花

洗淨以瓦罐內用無灰酒浸滿候火一伏時取出曬乾末之五兩



蜜丸渴時蜜湯下渴止爲度此散腸厚者宜服恐作瀉故也慎之慎之

梔子湯

大發熱不已

甘草

柴胡 一兩

漏蘆

連翹

山梔

各二錢

黃芩

防風

人參

各二錢

茯苓

黃芪

二錢二分

每一兩水煎

加味四七湯

喘嗽多痰

紫蘇葉

白茯苓

二味各五錢

半夏

姜汁浸炒

桑皮

三錢

木香

二錢

枳實

厚朴

各三錢

甘草

二錢



分四服姜七片煎

柿蒂湯

發喊連聲不絕神思疲倦至七八聲相連收氣不回者難治

丁香

柿蒂

山梔

人參

茯苓

陳皮

半夏

良薑

甘草

竹茹

黃連

薑七片煎

虛人加知母黃栢

發喊者怒氣滿

胸常欲叫此肝經之症正難療者

健脾散

潰後痞滿不食



蓮肉

砂仁 四錢

香附

藿香

茯苓 三錢

陳皮

山藥

蒼朮 各三錢

木香 一錢

炙草 二錢

生姜

棗子 去核

右剉分作六服服之

加味四君子湯

嘔吐心悶

人參 一錢二分

炙草 五分

白朮 一錢五分

茯苓

白朮

厚朴 各八分

陳皮 一錢

砂仁 一錢

姜三棗二去核煎服

加味治中湯

潰後泄瀉不止

青皮 炒三錢

呵子 五錢

乾姜 炒

白朮 土炒



茯苓 各五錢

人參

砂仁 各三錢

半夏 二錢

甘草 一錢

右作六服姜五片煎

三和湯

潰後手足浮腫

羌活

紫蘇

木瓜

沉香

各一兩

木香

白朮

枳榔

各七錢五分

川芎

三兩

甘草

陳皮

各七錢五分

大腹皮

二兩

每用水煎服

大麥門冬湯

潰後小便淋瀝不通

麥門冬

一兩

人參

四錢

甘草

一錢

澤瀉

五錢



天門冬 二錢

木通 三錢

滑石 二錢

右作四次水煎服

黃芪六一湯

潰後虛汗如雨不止

黃芪 六兩

粉草 一兩

水煎服

六神散

諸瘡血出過多而心煩不安不得睡卧此忘心也

生地

熟地 各三分

當歸

黃芪

人參

各五分

川芎 三分

水煎服

托裏溫中湯



一人年六十七歲五月左臂膊上至肩下至手指  
色不變皮膚涼六脉沉細而微脉症俱寒醫曰此  
附骨癰也開已不遲燔針破之膿清稀次日肘下  
再開加吃逆與丁香柿蒂湯二服稍緩此日吃逆  
尤甚自痢臍腹冷痛腹滿飲食減少時發昏瞶於  
左乳下黑處灸十四壯用托裏溫中湯內有姜附  
丁沉或曰瘡瘍屬火當盛暑姜附可乎予曰經云  
脉細皮寒瀉痢前後飲食不進此爲五虛况吃逆  
胃中虛冷之極諸瘡痛痒屬火是言其常此症內  
外相反當捨時從症非大方辛熱劑急治不能救



遂按之諸症悉去飲食進瘡勢溫膿色正又與五  
香湯數服月餘而安

丁香

沉香

益智

茴香

陳皮

各一兩

乾薑

羌活

三錢

香附

四錢

木香

一錢五分

炙草

三錢

附子

一錢

右十味作一服薑五片煎至一盞無時溫服內經

曰寒淫於內治以辛熱佐以苦溫故用乾薑附子

大辛熱溫中外發陽氣自裏之表為君羌活苦辛

溫透關節炙甘草甘溫補脾胃行經絡通血脈為

臣益智丁香沉香大辛熱以散胃寒嘔逆不下食



爲佐內攻聚而爲滿木香茴香陳皮苦辛去痞散  
滿爲使已上方夏月脉症俱寒用之甚宜

黃連清涼飲子

一人年六十歲冬至後發背疽五七日腫勢約七  
寸開遲故爾變症果生覺瘡重如負石熱如火痛  
倍常六脉沉數按之有力此膏粱積熱之變邪氣  
酷熱寒藥治之時冬月嚴寒復有用寒遠寒之戒  
乃思內經有假者反之違其時從其症可也

黃連

當歸

炙草

大黃

酒煎

赤芍藥



右五味各等分每服一兩五錢水煎服之利下其  
痛減七八明日再進前症悉除已上邪氣酷熱脉  
實用力者宜用

癰疽疔腫發渴惡心胃滿

茯苓

甘草

陳皮

半夏

連翹

黃連炒

鼠粘子

天花粉

羌活

香附

砂仁

枳殼

薑汁竹瀝和服

替針透膿散

服此頭卽透出

此方有在前



復元通氣散

諸氣澁閉耳聾耳痛腹癰便毒無頭腫毒婦人乳

癰

青皮

陳皮

各四兩

甘草

三兩半生半熟

穿山甲

瓜蒌仁

各二兩

金銀花

連翹

各一兩

末之每二錢酒下無頭津液調塗此方活血止痛

消腫

酒製大黃散

婦人七十形實性急好酒生腦疽五日脉緊急而  
澁急用大黃酒浸紙裹煨切細拌炒爲末再以酒



拌炒熟用人參加薑煎調服一錢兩時刻再進一服睡少頃有汗覺來病已去矣

消毒散

年七十生項疽脉實而稍大因憂悶生熱所致作太陽經療之

歸頭

熟地

酒洗

黃芩

酒炒

黃連

酒洗各一錢

黃栢

酒洗

黃芪

羌活

桔梗

人參

生地

陳皮

防已

防風

澤瀉

甘草

連翹

水二鍾煎服



丁附五香湯

一人年七十冬至後生腦疽腫痛面大醫士候瘡  
熟針出膿因怒答侍妾瘡輒內陷凹一韭葉許面  
色青黃不澤四肢逆冷汗出身涼嘔吐脉極沉細  
而遲蓋衰老嚴寒時病苦楚飲食淡薄瘦瘁加怒  
精神損耗故此有寒變也病與時同乃製五香湯  
一劑加丁香附子五錢瘡後大發隨症調治而安  
內經言凡治病察其下謂察時下之宜也

托裏溫經湯

寒覆皮毛鬱遏經絡熱伏榮中聚爲赤腫痛不可



忍惡寒發熱四肢疼痛

麻黃

四兩

防風

升麻

葛根

各二錢

白芷

當歸

蒼朮

各三錢

人參

白芍藥

各二錢

甘草

二錢

柴胡

一錢

陳皮

八分

右十二味每一兩水二碗先煎麻黃湯去沫方下

餘藥煎至八分溫服卧煖處綿衣覆之得汗而散

內經云冬月閉藏用藥多而少鍼石宜以苦溫之

劑溫經散寒爲要而腠理當以苦散之但辛發散

之用麻黃苦溫發之爲君防風辛溫散之升麻苦

平葛根甘平解肌出汗專治陽明經邪爲臣血留



不行則痛以白芷辛溫當歸身和血散滯溫熱腫  
則蒼朮苦甘溫行經壯力能泄膚腠間濕熱人參  
甘草甘溫白芍酸寒調中益氣使托裏爲佐以衣  
覆首厚被蓋身卧煖處使經絡血溫腠理開寒邪  
散陽氣升汗出腫減八九第二服去麻黃防風加  
連翹粘子腫毒悉去內經云汗之則瘡已信然  
內托榮衛湯

黃芪 五錢

防風

連翹

柴胡 各二錢

羌活

甘草

黃芩

人參

蒼朮 各一錢

當歸 一錢五分

桂枝 八分

紅花 二錢



右十二味判分二服水酒各二盞煎八分溫服內  
經曰天空西北左寒而右涼地不滿東南右溫而  
左濕東南方陽也陽精降於下故右熱而左濕西  
北方陰也陰精奉於上故左寒而右涼適寒涼者  
脹之而濕熱者瘡下之則脹已汗之則瘡已夫東  
南二方在人則丙小腸熱甲膽風皆俱下性炎上  
其瘡外有六經形症內無便溺阻隔飲食如故小  
便自調知不在裏非疽也癰癰小爲癰大爲癰其  
邪受風濕地氣自外而來侵內經云榮氣不足逆  
於肉理乃生癰腫諸瘡痛痒皆屬心火此瘡自外



而入是丙小腸左遷入膽作痛而非痒此二方皆  
主血爲病必痛此元氣不止榮氣逆行其初出未  
有傳變在於肌肉之上皮膚之間只於風熱六經  
所行經絡地分出也宜瀉風濕熱醫者只知陰覆  
其陽則宜汗此宜汗者乃濕熱鬱手足少陽致血  
脉凝逆榮衛不能週身元氣消弱也其風濕熱滯  
於下故面赤腫微黯風水惟上衝顏色多怒其瘡  
色腫微黯瘡熱高起結之作痛其脉止在左手右  
屬表左寸外洪緩而陰是客邪在血脉之上皮膚  
之間宜急發汗通榮衛則邪去矣以內托榮衛湯



發之

癰疽夜卧不睡名安神散

辰砂

乳香

各一錢

人參

酸棗仁

各一錢五分

木之棗肉九人參湯下

柞木飲

發背癰疽未成者已成者並收奇功

乾柞木葉

四兩

萱草根

五錢

甘草節

金銀花

乾荷葉蒂

地榆

各一兩

右爲末每五錢水二鍾煎八分作二次早晚各進

一服相再煎



青金膏

走馬牙疳蝕損腐爛

乳香

信

輕粉 各一錢

青黛 二錢

右爲末油調新筆付紙上陰乾每用少許放患上以白紙封之

乳香草撥散

牙疼槽風

天麻

防風

草烏

草撥

細辛

乳香

川芎

硼砂

射香

薄荷

右爲末每次口噙溫水嚙之鼻內吹之

瘡久發風癰成瘡經年不痊



防風 五錢

大黃 一兩

黃連 五錢

黃芩 五錢

連翹 五錢

梔子 五錢

蛇床子 一兩

枸杞子 五錢

白蒺藜 五錢

殭蠶 三錢

牛蒡子 三錢

胡麻仁 五錢

蔓荊子 五錢

蛇退 一錢

蜂窠 五錢

龍骨 五錢

天花粉 五錢

甘草 一錢

威靈仙 五錢

右爲末米糊爲丸每日三服忌酒肉鹽味甘七日

一全大補湯

一切症潰後多服生肌長肉益氣滋血

人參

當歸

川芎

白芍藥

白朮

黃芪

茯苓

甘草



生地

熟地

防風

陳皮

乾山藥

知母

黃柏

澤瀉

升麻

金銀花

秋冬天加厚朴蒼朮肉桂

春夏天加麥門冬青

皮黃芩山梔仁黃連

金箍散

黃柏

片粗皮  
一斤

川白芨

四斤

芙蓉葉

一斤

紫花地丁

一斤

天花粉

半斤

白斂

半斤

右爲極細末隨瘡癰疽發背每用葱一把搗碎

加蜂蜜少許再搗取汁調勻搽患處四向空中出



毒乾再用餘汁潤之以助藥力蓋葱性能開腠理  
善走諸經發散風邪蜜乃百花之精潤肌竅解百  
毒與葱相反助諸藥力如葱汁不便夏月用蜜水  
冬月用蜜湯

又方

白芨

四兩

雄黃

一兩

榆皮

二兩

黃栢

一兩

射香

一錢

右爲末猪脂研爛調勻搽四向空中出毒乾再易  
之

瘰癧痰核圍藥



昆布

一兩去砂石  
晒碎碾末

射香

五分

冰片

三分

南星

五錢

末之用好醋薑汁蜜少許調勻搽四向空一孔乾  
再用餘汁潤之 一方加田螺殼煨存性三錢白  
芡末二錢五倍末二錢

紫芷散

治腎瘡

紫蘇葉

白芷

官桂

草烏

白芨

黃柏

各三錢

為末暗醋薑汁葱汁蜜少許和勻火上熬滾調藥  
待溫調勻搽四向空中出毒乾再潤之冬天加燒



酒夏天宜用好苦茶洗之

消腫散

白芨

白斂

牙皂

殭蠶

赤豆

五倍

雄黃

南星

半夏

大黃

黃栢

草烏

白芷

貝母

山茨菇

芙蓉葉

各五錢

天花粉

牡蠣

各一兩

末之姜汁靛青調敷

奪命散

烏梅

老茄子

經霜者

芙蓉葉

青地松



威靈仙

過山龍

馬鞭草

蒼茸草

益母草

俱等分煨

生甘草

草烏

赤小豆

除甘草等三味餘剉細入瓶內鹽泥固濟火煨存性爲末丁瘡飛鹽醋調腦疽背瘡加田螺殼灰皂角灰加黑背蜒蚰搗爛調鎖口疔瘡搽藥在瘡口內陽症紅腫諸膽汁蜜調小兒丹毒加青葙花膽汁調便毒猪腦調

刻效散

發背

黃瓜萸

一枚

白礬

一錢

連皮子煨過爲末醋調敷乳汁尤妙



拔丁圍藥

蒼耳子搗爛加霜梅肉和勻貼瘡上葉梗燂灰亦

可

刮毒丹

黃栢

天花粉

南星

芍藥

薑黃

蟬退

大黃

右爲末水與酸醋俱不拘

千金烏龍膏

治一切下部濕毒附骨腿疽筋絡無名異症

多年陳小粉

半斤炒黑

白芷

不見火肉桂

不見



五倍炒

乾姜炒

桔梗

龜板煨

白芍藥

白斂

威靈仙

蒼朮炒

烏藥

各一兩  
不見火

飛鹽

蛤粉

各五錢

白芨

六兩

右爲末姜汁葱汁暗醋蜜少許火上熬熱調勻搽

四向空中出毒乾再潤餘汁以助藥力

妙貼止疼散

上部一切腫毒

白芨一兩

乳香

五錢

桔梗

五錢

紫花地丁

三錢

白薇

五錢

末之雞子清如前調敷并潤之

隔皮取膿散



驢蹄

細末  
一兩

蕎麥麵

二兩  
炒

白鹽

五錢

草烏

四錢  
去皮

五倍

一兩

末之水調作餅慢火炙黃去火毒研細醋調成膏

攤貼其腫漸退

水龍收毒法

單治背瘡初起紅色者

背上用稠泥成圈中間放水下馬蝗數條待蝗呼

毒血一日三易其瘡即愈

謂之蟻針

海浮散

瘡有惡肉不去

乳香

沒藥

各半研細末摻上惡肉自消



又方

地榆研細末加雄黃末如前搽之

烏獲追膿散

黃芪

芍藥

白芷

天花粉

蛤粉

白芨

右爲末蜜水調勻搽四向

追毒錠子

治蝕弩肉堅不痛者

續隨子

甘遂

大戟

五倍

各二兩

射香

山茨菇

末之糯米粥杵成錠子紐弩肉根下弩肉卽脫



真君妙貼散

明淨硫黃 三兩

蕎麥粉 二兩

右爲極細末井水和捏小餅曬乾或焙乾收之如遇惡瘡再研細井水調敷痛處痛者不痛不痛者卽痛而愈

驪龍散

發背癰疽破與不破二者之間功能捷奏

珍珠

八分

牛糞

一兩 十二月生用餘月煨灰存性

鐵繡

一兩

右研細末以猪腦加醋調敷瘡口三五次乾再易之



一艾二黃散 奪旗斬將之劑

發背黑不痛卽爲陰也用艾葉一觔硫黃雄黃末各五錢以水同煮艾半日搗極爛候溫敷上再煮再易十餘遍能知痛者可生全無痛者出紫血而死

發背初起爛開不住

合圍攻勝之劑

白鹽梅皂角二味燒存性研末不發熱者米醋調塗四圍連換卽不走開

平肌追膿散

瘡頭冷者用妙

乾薑研末雞子清調搽四向如潰爛用猪蹄湯洗



淨瘡口拭乾摻之覺熱如烘平肌易愈 猪蹄湯

法在前

洪寶丹

發背黑色四圍爛開用此把住好肉

天花粉 三兩

薑黃

白芷 各一兩

赤芍藥 二兩

末之若病勢大熱可用熱茶清調敷如病少溫則用酒調欲箍其膿加姜汁四分茶清六分

疔毒四箍散

黃柏

川烏

赤豆

各一兩

石精黃

一分錢

俱各細末和勻水調冬天用蜜湯



疔毒摻藥

并附

防風

五錢

當歸

五錢

乳香

一錢

珍珠

一錢

沒藥

一錢

血竭

一錢

辰砂

一錢

胎牛蹄

二錢或角

人參

一錢

右爲末乾摻

又痘毒圍藥

白芨

四兩

雄黃

五錢

黃栢

一兩

天花粉

二兩

文蛤

二兩

紫花地丁

一兩

右爲末生荳漿調勻搽四向空中出毒氣時用餘

漿潤之以助藥力



生肌長肉紅玉散

寒水石

火煨過去灰  
碾如麝四兩

血竭 一兩

乳香 七錢

沒藥

五錢

孩兒茶 二錢

昇藥 二錢

右爲細末如塵每用一七摻瘡口左邊明日摻右  
邊輪流摻之其肉漸平

太師公親製金絲萬應膏

此膏治癰疽發背諸腫毒定痛追膿生肌長肉收  
斂瘡口并治閃腰撲損墜高落馬筋疼骨痛皮肉  
青腫並治之此膏天下魁首其妙無窮寶之寶之

粗料煎油



大薊

貝母

半斤

草烏

二兩

地骨皮

四兩

黃芩

黃柏

黃連

天花粉

各二兩

小薊

大薊

赤薊

白薊

馬鞭草

威靈仙

白芨

赤芍藥

肉桂

各五錢

玄參

細辛

三錢

當歸

川芎

白芍藥

劉寄奴

牡丹皮

蘇木

紅花

蜂房

血餘

馬屁字

良姜

續斷

桑寄生

木鼈

無名異

桃仁

連翹

金銀花

烏梢蛇

金毛狗脊

象皮



羌活

獨活

仙靈皮

青皮

五加皮

各一兩

地龍

三十條

白芷

防風

黃芪

姜黃

蛇脫

十條

川山甲

蝦蟆

血見愁

殭蠶

半夏

龜板

烏藥

皂角刺

天麻子

地榆

艾

苦參

南星

牙皂

甘松

三柰

藁本

骨碎補

全蝎

麻黃

蜈蚣

廿條

蟬蛻

五倍子

青風藤

何首烏

白蘇皮

木通

百合

各一兩



已上用真麻油二十斤春浸十日夏浸五日秋浸十五日冬浸一月文武火煎熬旋加桑柳槐枝各二斤鳳仙梗稀荻草益母草芋芋活兒腫消等草各少許新鮮者有水氣緩緩下之若驟下則油泛上發浮慎之慎之待藥煎黑濾淨查人油磁瓶中此藥必用絲綿襯麻布濾方精製再入鍋內慢火煎油滴水不散爲度春夏明淨松香一斤下油二兩柳枝攪勻俟畧溫旋下乳香血竭沒藥各一兩射香一錢春初天氣尚寒每斤再加油半兩秋初亦如之冬月嚴寒松香一斤下油四兩細藥同前



攪至不粘手爲度傾入水中多令人薰水煉如黃  
金色再入水中浸三日出火毒任用

### 煉松香法

松香不拘入淨鍋中煎熬柳棍攪之俟其烊化將  
稻柴濾淨查俟冷結成塊取出任用其砂石木屑  
俱在柴中矣麟之製法果確也

已前煎過油內加天鷲油每藥油一斤加鷲油一  
兩使諸藥味透入骨髓凡煎膏藥須隨四時以意  
消息

### 製黃丹法



黃丹先炒黑色傾入缸內用滾湯泡之再浸涼水  
滿缸時時攪之浸一宿水飛再番一器內澄其細  
者斷其雜砂之類將細好者晒乾方研極細如塵  
水氣盡方可用

長肉紫金膏

前油一斤飛丹淨七兩柳枝攪之不拈手看四時  
軟硬爲度油多加丹丹多加油以意消息其法全  
在時宜徐徐下細藥

沒藥

乳香

血竭

赤石脂

各一兩

珍珠

二錢

射香

一錢

輕粉

三錢

沉香末

五錢



黃占 五錢 白占 一兩 孩兒茶 五錢 雞內金 三錢焙

天靈蓋 煨存性 鳳凰窠 煨灰 二錢 鳳凰窠 即初出小雞殼內嫩白軟皮也

俟溫方下射香一錢冰片七分埋土中七日出火

毒任用

不問癰疽惡瘡等症杖瘡磕損並治之并服

風痰者痛處貼之

赤眼頭疼貼太陽穴

疥腮等症貼腫處

頭目昏疼兩耳虛鳴貼項窩

腰脇痛貼患上時熨之



小腸氣貼腎俞穴并臍中

婦人血閉并小腸痛貼小腹下

乳癰瓜蒌湯下之五十丸

婦人血崩蓮蓬灰艾醋湯下三十丸仍貼臍下

年久脚氣不愈加蟾蜍貼膝三里痛處

年久臙瘡用葱鹽湯洗淨貼患上

急心疼紅苳湯下良薑湯亦可

風犬咬傷冷水下四十丸

喘息痰盛貼肺俞穴

便毒瓜蒌湯下

如腹內積聚癥瘕用枳榔湯下五十丸外加蟾酥



射香貼之

腸癰內癰石膏湯下四十丸

偶食自死物香油下五十丸

自要水吃用土珠黃泥水飲數十丸即可

或餘毒未盡發為毒瘡甘草湯下五十丸仍外貼

之

千鎚膏

貼癰癰

天麻子

肉一兩

杏仁

去皮七錢

雄黃

五錢

乳香

七錢

沒藥

七錢

輕粉

三錢

白芨

二兩

俱另為末

松香

一斤

另末



麻油打成膏忌雞犬婦人孝服百厭必須擇上  
日在淨室鋟之方可應驗勉之勉之

咬頭膏

麻油 半斤

益母草

一兩

亂髮

五錢

天麻子

仁三十粒

白芷

江子肉

廿一粒

全蝎

七枚

班猫

廿一粒

桃柳槐

枝各二錢

官桂

一錢

文武火熬藥黑濾淨後人

黃丹

四兩

乳香

沒藥

一錢

射香

粉霜

信

銅青

雄黃

各五分

柳枝攪成膏爲度

乳香長肉膏



用前金絲膏藥油內每觔加象皮一兩鳳仙梗五錢再煎去渣天鷲油五錢另加黃白占二錢血竭乳香沒藥各三錢射香一錢煎法同前不載

太乙膏

玄參

白芷

當歸

赤芍藥

肉桂

去粗皮

大黃

黃生地

各一兩

右剉碎用麻油二斤浸春五夏三秋七冬十日火熬黑色濾去渣入黃丹一斤青柳枝不住手攪候滴水成珠不粘手爲度傾入磁器中以磚蓋口掘窖子埋陰樹下以土覆三日出火毒難貼



麒麟竭膏

當歸

木鼈子仁

知母

五倍子

細辛

白芷

各半兩

槐條

柳條

各二十寸許長一寸許

右件除槐柳條外並切碎同作一處

好血竭

三錢

真輕粉

二錢

滴乳香

五錢

沒藥

五錢

好雄黃

四錢

當門子

二錢

右件各研細和作一處

松香

揀淨者爲末十兩

瀝青

爲末二兩

右件二味作一處

真香油三兩同煎八味入鍋於文武火上三上三



落不住手用槐條二莖攪令焦色卽用綿濾去滓  
再將油入鍋先入松香瀝青末不住手攪如欲滾  
沸溢出卽取下火攪約一茶頃滴少許入水以手  
圓之不軟不硬卽取下火將次六味徐徐而下急  
攪令極勻凝則再上火勿令再沸遂傾入大盆水  
中半刻後手扯之漸漸軟和揉翻復如金絲之狀  
再入水浸之有暇再揉扯春夏頻換水如急用亦  
浸一兩宿如浸多日愈妙每用大竹管隨意大小  
高一二寸填藥令滿而平兩面按油紙在上於緊  
火上急手揭下一面再上紙復烘次一面仍揭下



厚則再用紙過爲二箇如欲展火卽印四五箇於  
大紙上奏成一片貼用治一切癰疽并發毒瘡各  
依常法烘開候冷貼之生者卽用之就散熟者卽  
穿逐敗生肌首尾皆可一切疔腫結核並貼患處  
一切賺瘡先用姜汁白凡入湯用鷺翎洗淨以牛  
蒡子葉或金剛藤葉貼瘡半日取盡惡水然後貼  
上膏藥克日安痊除小兒妳疳外一切乾濕白禿  
頭瘡剃去髮用香油攤薄煎餅一箇裹着頭上一  
飯頃卽用大膏藥去餅滿頭貼之一二次換藥卽  
效一切臀股黃濕痒痛等症並洗淨挹乾貼患處



一切打撲傷損脛肋氣刺等症並貼患處頭疼貼  
兩太陽赤眼貼眼泡魚尾際暴傷風冷嗽貼脊心  
牙疼刮藥塞牙縫面腫者更貼面小兒疳刺等症  
用濕手圓如菴荳大米飲送下三二十圓一切風  
寒濕痺臂病貼臂腿痛貼腿且如腿痛貼痛處半  
日許未效卽以熱湯露脚指在外從痛處淋洗至  
下仍以舊布帛蘸湯連布放於膏藥蒸之令熱又  
用磁瓦刮脚甲指令其透快不可太甚則其痛漸  
移下骨節間然後如法貼之逐節可去上面一箇  
俟其痛趕至脚腕又貼脚心仍剪去脚指甲自然



瘰癧可常有婦人因濕氣腿腫至腰胯大着連將油  
紙滿胯貼之用前法趕下又貼脚心數日間脚心  
膏藥下發一泡出黃膠水數日至老不發貼臂痛  
亦如此法大抵膏藥大如患處方能敵病小而  
不着肉安可望效也貼痛處好肉上卽用帶熱貼貼  
瘡卽不可熱貼也隨意舉用無不作效



松特圖圖金卷一

膏肉其何望然此服藥與汝肉上明用常無服

亦收此去大油膏藥大收思或式新結藥不江


膏藥可發一此由黃則本雖日正未不結結膏

除除無損之服前無服不又服則心幾日開則


後下常市融入因照原無無至無無大條與

後下常市融入因照原無無至無無大條與











W138  
1856  
v. 1



